

tiaco-rufescens, parce tenuiter pallido-pubescentis. Tibiae spinulis crassitiei tibiae aequae longis. Tarsi articulo secundo margine inferiore eidem primi aequae longo, ultimo nigro-fusco. Terebra feminae medium ventris superans.

7. *Calocoris sanguineovittatus* Reut.

Oblongus (σ), albedo-flavens, superne omnium brevissime sat parce nigro-pubescentis, scutello hemielytrisque etiam tenuiter pallido-pubescentibus, nitidulus, capite callisque pronoti flavo-testaceis vel ochraceis, basi scutelli utrinque, mesosterno, clavo saltem usque ad medium, plaga corii obliqua apicem versus latiore et suturam membranae attingente venisque membranae sanguineis, hac sat dilute nigricanti-fumata; articulo primo antennarum pedibusque brevissime nigro-pubescentibus; antennis unicoloribus pallidis, articulo primo capite ab antico viso brevioris, articulis ultimis simul sumtis secundo aequae longis; femoribus posticis apice late sanguineis, tibiis breviter fusciscenti-spinulosis; capite (σ) a latere viso altitudine paullo brevioris, vertice oculo distincte angustiore; rostro apicem coxarum intermediarum attingente; strictura apicali pronoti basi articuli secundi antennarum vix aequae crassa. Long. σ 7 $\frac{1}{2}$ mm.

Syria (Haifa! ad orem fluminis Kison d. 31 martii), D. U. Sahlberg.

C. rubrinervi H. Sch. affinis, sed minor, angustior, colore insigni, pubescentia nigra multo brevioris, articulis antennarum brevioribus, tarsis margine libero inferiore articuli secundi eidem primi aequae longo optime distinctus. Caput basi pronoti fere duplo angustius, ab antico visum latitudini cum oculis longitudine subaequale; clypeo usque a basi prominente, basi a fronte linea impressa discreto, angulo faciali subrecto, genis humilibus, gula peristomio brevioris. Oculi maris magni, prominentes, in genas longe extensi, superne visi transversi, margine interiore apicem versus late et profunde sinuati. Antennae fere ad basin quartae apicalis partis oculorum interne insertae, articulo secundo primo circiter triplo longiore et margini basali pronoti aequae longo, ultimis